

5. Skólareglur (30. gr. laga nr. 91/2008) og skólabragur

Foreldrar bera ábyrgð á uppeldi barna sinna eins og fram kemur í grunnskólalögum (nr. 91/2008, 19. gr.). Þeir gæta hagsmuna barna sinna og eiga að stuðla að því að þau stundi náms sitt. Foreldrum ber að fylgjast með námi barna sinna og styðja við skólagöngu þeirra og námsframvindu og stuðla að því að börnin mæti úthvöld í skólann og fylgi skólareglum. Í samræmi við grunnskólalög (nr. 91/2008, 14. gr.) og aðalnámskrá grunnskóla (2011) þá hafa nemendur ákveðnar skyldur ekki bara gagnvart eigin námi heldur einnig allri framkomu sinni og hegðun í skóla. Þetta á við um ýmsa þætti í umgengni við félag, starfsfólk og fjölmarga aðra sem þeir umgangast innan skóla sem utan. Nemendur bera ábyrgð á framkomu sinni og samskiptum með hliðsjón af aldri og þroska. Nemendum ber að hlíta fyrirmælum kennara og starfsfólks grunnskóla í öllu því sem skólann varðar, fara eftir skólareglum og fylgja almennum umgengnisreglum í samskiptum við starfsfólk og skólasystkin. (Aðalnámskrá bls. 69) Skólareglur gilda í skólanum, íþróttahúsum, sundstöðum, félagsmiðstöðvum og í öllum ferðum á vegum skólans en auk þess þurfa nemendur að fara eftir sérreglum sem gilda á þessum stöðum.

Gildi Vogaskóla eru virðing, ábyrgð og samvinna. Skólareglur Vogaskóla endurspeglar þessi mikilvægu gildi.

Markmið skólareglna í Vogaskóla eru að allir nemendur geti þroskað hæfileika sína og séu öryggir í öllu starfi á vegum skólans. Viðfangsefni allra í skólasamfélaginu er að byggja upp góðan starfsanda og skólabrag þar sem öryggi, vellíðan, heilbrigði og jákvæðni einkenna öll samskipti. Enn fremur að stuðla að góðu samstarfi og samráði milli foreldra og skóla um nám nemenda, hegðun og samskipti.

Almennar reglur.

Við í Vogaskóla:

- sýnum virðingu, kurteisni og tillitsemi
- leggjum okkur fram við að sinna hlutverki okkar
- hjálpumst að og vinnum saman
- förum að fyrirmælum alls starfsfólks
- göngum vel um húsnæði, búnað, tæki, eigur okkar og annarra
- notum engin snjall- og spjalltæki nema í samráði við kennara
- neytum ekki sælgætis, orku- eða gosdrykkja í skólanum nema við sérstök tilefni

Viðbrögð ef út af bregður – uppbygging

Nemandi er spurður um hlutverk sitt og hvort hann geti sinnt því, ef það nægir ekki er nemandi boðið að gera uppbyggingaráætlun og leiðrétta mistök. Nemandi gefst tækifæri til að leiðrétta og bæta fyrir brot án beitingu viðurlaga, Öllum getur orðið á í hegðun, umgengni og samskiptum. Ávallt er farsælast að viðurkenna mistök sín, leiðrétta þau og læra af þeim. Við síendurtekin mistök er málinu vísað til skólastjórnenda.

Skýr mörk- ófrávíkjanlegar öryggisreglur

Sumt er bannað í Vogaskóla, stundum vegna þess að lög kveða á um það.

Við í Vogaskóla eigum:

- aldrei að beita ögrunum, andlegu- eða líkamlegu ofbeldi
- aldrei að koma með eða beita bareflum/vopnum eða eldfærum
- aldrei að nota, tóbak/rafrettur eða önnur ávana- eða fíkniefna, hvorki í né við skólann eða nokkurs staðar þar sem við erum á vegum skólans
- aldrei að yfirgefa skólalóð án leyfis á skólatíma ef við erum í 1. – 7. bekk
- aldrei að taka myndir án leyfis innan skólans
- aldrei að taka hluti ófrjálsri hendi

Viðurlög ef farið er yfir skýru mörkin

Ef nemandi fer yfir skýru mörkin skal ávallt hafa strax samband við foreldra og boða til fundar við fyrsta tækifæri. Fundargerð er skráð. Ef nemandi er rekinn út úr kennslustund er honum vísað inn á skrifstofu skólans eða til skólastjórnanda þar sem hann þarf að bíða þar til viðkomandi kennari getur rætt við nemandann ásamt skólastjórnanda. Komið getur til brottvísunar úr skóla án áminningar ef farið er yfir skýru mörkin. Komi brottvísun til framkvæmda eiga nemandi og forráðamenn hans rétt á andmælum. Verði ágreiningur milli forráðamanna og skólans varðandi málefni nemanda og ekki næst samkomulag getur hvor aðili um sig vísað málinu til fræðsluyfirvalda.

Starfsmaður sem verður var við brot á skólareglum eða fær tilkynningu um það kemur upplýsingum á framfæri við umsjónarkennara. Lögregla er kölluð til þegar ástæða þykir til þess.

Hafi nemandi hegðað sér með þeim hætti að erfitt sé fyrir starfsmenn skólans að treysta honum til að fylgja reglum verður honum mögulega meinuð þátttaka í skólaferð eða óskað eftir því að foreldri komi með í ferðina.

Dæmi um möguleg viðbrögð við brotum á skólareglum

- samtal við nemanda þar sem honum er gert kleift að bæta sig
- hafa samband við foreldra
- máli vísað til skólastjórnanda
- foreldrar koma í skólann með nemanda til fundar
- foreldrar sitja kennslustundir tímabundið
- gerður er skriflegur samningur milli skóla, nemanda og foreldra kennari lætur foreldra vita af stöðu mála og ræðir framhaldið
- nemandi er tekinn tímabundið úr aðstæðum
- nemandi vinnur í einveru
- nemandi fær fylgdarmann í frímínútum eða kennslustundum
- nemanda boðin aðstoð námsráðgjafa eða þjónustumiðstöðvar
- nemanda vísað heim til næsta dags eða foreldri gert að ná í barn sitt úr skólanum
- nemanda vísað tímabundið úr skóla (lög nr. 91/2008, 14. gr.)

- nemandi sem brýtur skólareglur eða almenn lög á ferðalagi á vegum skólans verður sendur heim á kostnað foreldra
- stundaskrá skert tímabundið
- mál færast yfir til skólayfirvalda borgarinnar eða barnaverndaryfirvalda
- mál kært til lögreglu

